


幸魯盛典

卷三十三 卷三十四



幸魯盛典卷三十三

纂修

幸魯盛典詩 并序

翰林院編修

臣文

臣聞崇儒重道廼治世之弘規釋奠臨雍為帝王


之盛業溯自羲軒而下洎乎書誥以還心傳如一

俟後聖而不疑斯文在茲推孔子為尤盛廟崇曲

阜恒慨思夫玉振金聲禮用太牢爰致祭於尼山

泗水漢室之特典猶存宋代之親臨足紀自古而

然於今為烈欽惟我



幸魯盛典 卷三十三

皇清御曆之二十有三年東巡幸魯也議禮至隆敷文益遠

輦駐奎文之閣見若羹牆步登闕里之堂肅茲拜獻
既仰瞻乎至聖復旁及於四賢發道德之幽光不
惟犧象雲雷之末闡性天之奇奧亦觀禮器車服
之陳畫棟雕甍光同雲日唐鐫漢篆勢若蛟螭於
焉一時寄覽四字加褒翰墨流芬何異銀鈎鐵畫
錦箋耀彩恍如綠字赤文自一世及萬世傳之勿
替以身表作師表沿及無疆棖桷騰輝還留翠蓋
簷楹挾藻兼歷講堂覽懷英之篆往蹟可稽閱杏

壇之碑石刻宛在千尋古檜賦成雲漢之華丈六
靈著式表孔陵之異固世守之得以常綿而輸將
之可以勿事者也更若昌平勝地孔里故居患堂
廡之摧頽出儲胥而丹雘竹苞松茂規模備美於
當年鳥革翬飛氣象增榮於昔日或持絳節以飄
颻盡玉葉金枝之秀或捧丹書而璀璨皆左輔右
弼之賢廟貌日新文明大啓推恩廣矣錄其苗裔
遞及周程張朱立制昭然表乃前賢奚獨顏曾思
孟是以纂茲盛典肇自乙丑之年告厥成書迄於
辛巳之歲彙爲卷帙揚此

聖謨昭日星河嶽於行間前賢堯後賢舜不啻與二帝
爲三振金石鐘鏞於宇裏禮知政樂知德自可等
百王而上臣颺贊莫由舞蹈靡已敬成十律用賡
九歌

其一

聖主修時邁鴻儀定秩宗道尊孔氏學典茂漢皇風翠
蓋臨洙水嵩呼震魯宮斯文千載賁曉色正曛曩

其二

步自奎文閣言登闕里堂聳行儀肅肅文告頌洋
洋踰濟皆鷓鷯笙歌繞鳳凰一時恩意普前後仰

龍光

其三

詩禮堂貽久當陽御講筵修齊揚祖訓象象闡義
傳瑞映龍文麗祥分鳳藻妍大寮欣侍從

天語更煌然

其四

舊得傳真像今還籠碧紗式瞻道貌古深憶講壇
華紫氣臨朝旭文光燦晚霞

至尊親拂拭奕禩重褒嘉

其五

往蹟知成在因觀犧象餘神傳道子畫贊出米顛
書

御覽崇朝徧

皇情此日舒表揚四字後挾藻滿庭除

其六

黃蓋方崇廟佳城復薦卮榮分廬外楷靈動墓前
著至道古不泯斯文今在茲弘膏綿世澤隨處沐

恩施

其七

廟貌雖崇煥簷楹賴鼎新采山親

御蹕分帑出

楓宸日耀丹黃色雲開殿廡春几筵瞻拜處長此重明

禮

其八

神功開朔漠啣

命紀豐碑耀武包戈甲崇儒尚鼓吹雙鈞金管出聯榻
赤文貽檜影遙分彩光同日月垂

其九

德意何周溥

絲綸次第開魯鄒崇廟祀濂洛廣滋培寶翰榮三錫鴻

文重八垓承

恩魏闕下元首咏康哉

其十

盛事欣初遇還憑歌敘留一編昭史冊萬載炳
皇猷拜舞欽堯典文明啓禹疇頌颺靡有罄天地與同
流

幸魯盛典恭紀

翰林

院檢

討臣年羹堯

鑾輿臨魯甸

仙仗擁宮牆入室威儀肅升堂廣樂張尊彝觀法象

俎豆薦馨香

曠典留芝蓋尊崇邁百王

其二

杏壇隆秩祀林寢駐旌旗麗日封塋曜祥雲秘殿
垂山川環拱衛草木颺葳蕤
寵錫優苗裔繽紛錦繡披

其三

絲綸頻下賁廟貌鼎重新朱檻琅玕筍雕梁玳瑁鱗
周阿延日月飛閣蠹星辰交映軒亭敞穹窿頌美
輪

其四

賜額榮光燭豐碑篆籀鐫

龍章詞煥爛

鳳藻墨華鮮玉振金聲叶銀鈎鐵畫懸文昌成五色

景運仰中天

幸魯盛典十六韻

翰林院檢討臣阿爾賽

廣運同文治昭回至德敷時亨

皇極建道在素王扶岱嶽尊河洛尼山滙泗洙

九重頒典冊百世仰師儒鄒魯沿三代絃歌被一隅

翠華勤拜訪闕里煥規模詩禮觀瞻肅金絲氣象都講

經隆聖學讀易應乾符入室臯夔相升堂游夏徒

天章飛玉屑

御墨散金鋪博士褒嘉數文宣禮遇殊

詔留芝蓋出

恩與杏壇俱拓地加增壙蠲糶等復租靈著堪揲卦古
楷亦成圖紀頌紛珠玉賡颺協典謨大成如可作
一德

主臣孚

恭紀

聖駕幸魯盛典四律

翰林院庶吉士臣高其偉

隆儀肇舉出承明闕里欣看

綵仗迎奎壁星高環

翠輦松楸路迴駐霓旌風和宛宛華鐘動日麗遙遙玉
磬鳴

師表萬年殷薦盛頌揚莫罄魯諸生

其二

犧象雲雷列上台翠微深處講筵開祥煙散彩盤

三
卷三十三
旋護

鹵簿飄香拜獻來碑峙千尋文燦爛牆推萬仞日昭
回龍翔鳳翥璇題永先後同欽

大聖才

其三

萬國昇平樂凱旋歌功

聖廟湛恩偏琅函特竝兼金賜文綺還同華袞傳電

鉞親揮欽

武德園橋沛澤仰

堯天杏壇式薦馨香日繡繖留輝耀豆籩

其四

帝子遙臨精意通函香肅穆鳳城東神馳泗水音容

近道奉尼山禮秩崇恍聽金絲傳古壁頻瞻俎豆

做齋宮心源會得羣賢接恩遇忻沾此日同

幸魯盛典恭紀二十韻

翰林院庶吉士臣耿古德

盛典東巡舉寰區頌我

皇斯文昭炳煜吾道藉光昌與義探洙泗隆儀邁漢唐

鳴鑾停闕里

駐輦過平鄉魯壁尋遺宅緇帷訪講堂音容留往蹟

草木覩餘芳恍若羹牆接彌生俎豆光

御爐煙縹緲仙樂韻鏘洋

萬乘躬爲屈千秋德倍彰

宸章垂典誥

三金全典 卷三十三
睿製叶笙簧已覺雲霞麗還沈翰墨香

金書丹碧煥

綠字鳳鸞翔

天語從容問臣詞仔細詳推恩皆子姓陪列盡冠裳優
厚原田賜綿延帶礪長

龍顏瞻有喜

聖澤溥無疆懽悅盈陬澁聲名遍校庠崇儒推

哲后典學茂前王棫樸人文盛詩書士氣揚所欣逢景
運六合慶時康

幸魯盛典告成恭紀二十韻

翰林院庶吉士臣伊太

東幸恩膏溥西清紀載詳禮因

天子議道賴

聖人昌居仰尼山近源承泗水長文明開魯國儒術得

周行

翠輦乘時動朱旗映日颺

廻翔瞻入室

誠恪儼循牆牲幣陳重席蘋蘩薦

御香爵隆三獻禮樂奏九成章器用頒

天府工歌叶太常百司陪俎豆四氏効趨踰鉅典何
魏煥高文更喬皇

龍章垂碧落

鳳藻麗穹蒼葺宇

絲綸重題碑翰墨光喬林看檜楫古壁聽笙簧講藝微

言晰推

恩異數彰貂裘蒙

寵賚

羽葆觀輝煌

駐蹕留餘眷編蒲志不忘石渠勤筆札金匱永珍藏

頌祝盈閭里都俞在

廟堂中天文運盛泰岱共無疆

幸魯盛典恭紀二十四韻

翰林院庶吉士臣阿進泰

皇巡超萬古

聖祀肅千秋泰岱飛

鸞輅宮牆降冕旒上辛崇俎豆二月覲諸侯闕里青
旂繞東山紫氣浮太常馳綵幣胄子挾鳴球典視
唐宗盛儀從漢代優雍雍百官富肅肅兩楹鏤步
輦瞻雲峻齋宮望殿幽升堂

親九拜入廟獻三酬講席奎文敞經聲魯壁蒐
宸章輝玉勝

御藻勒銀鈎後殿

龍車轉前林

鳳羽遊異著仙露入神草瑞雲收手檜天題咏香泉

味冥搜蠲租詹耆渥頒爵耳孫周博士添經術旗

門護檟楸貂裘頻賜賚黃蓋命藏留北闕廻輿日

西山匠石鏤穹碑標曲阜大冊煥神州

特遣虞衡使還將棟宇修朱提

頒內府丹楸煥雲樓重道書無匹尊師史莫儔江山

宣禮樂河嶽仰懷柔恭頌

神堯德長同泗水流

幸魯恭紀十二韻

翰林院庶吉士臣董泰

春滿尼山路

天臨曲阜城愛民勤省問重道啓文明泰岱祥雲遶東

蒙瑞靄迎古書求象繫大樂訪咸英珪璧傳先蹟

宮牆愜

聖情緇帷來

鳳蓋

翠輦駐鸞聲曲有潛魚聽圖因寶馬呈杏壇增氣象

泗水毓華菁

玉榜垂三殿

金題壯兩楹大臣監匠石

帝子上棗盛至治隆師範

綸言闡道精小臣恭紀載稽古樂光榮

幸魯盛典恭紀二十四韻

翰林院庶吉士臣王士禛

天閭開鼎命岱嶽拱

乾陽峻德彰巍煥崇文著喬煌薪傳抽錦秘斗極燦

龍章道統苞前詰心源印素王

禁扃凝眷眷鑾輅動鏘鏘

蹕駐東山迴恩流泗水長鳥迎仙仗轉草傍翠華香

特典明禋懋

皇儀秩祀莊雷尊親泣鬯雲幣覲升堂裊裊縈香篆輝

輝麗燭光笙鏞盈碧宇

綸綍肆圭璋爰啓琉璃匣平移玳瑁牀一言昭闡繹四
字罄揄揚璀璨璇題耀飛騰奎壁翔土田恢嗣續
散秩益冠裳曲蓋先師軾

宸書壽母坊蠲租敷浩蕩

賜帑湛汪洋魯道闕新碣周行暨遠疆元公推錫後子
姓復揚芳典禮超前漢規模陋盛唐史臣難贊頌
文治樂賡颺怯劇賈生壘恭循考父牆瞻霄忻異
數依日愛非常幸際休明代傾葵奉

聖皇

幸魯恭紀二十四韻

翰林院庶吉士臣才住

閭闔垂衣日寰區擊壤時東巡依舜典時邁咏周
詩

鸞輅乘春發霓旌拂曙馳岱宗瞻峻極魯殿訪陳基
爰

幸宣尼宅先臨闕里祠省牲新薦享釋奠舊威儀玉
帛陳庭實笙竽奏樂詞祥熏飄柱拱明燎映杲恩
興俯將

宸敬尊崇仰帝師心源誠默契道統繼聞知

鴻筆題銀榜龍光照玉墀片辭該已盡萬世語非私
挺幹孤生檜叢莖瑞應著上公膺

寵錫舉族被榮施賜醕歡心洽蠲租惠澤隨金錢中
禁出文綺尚方貽

召對諸生俊恩加好爵縻廟堂留曲蓋壽母表華棖
已荷

皇慈極重看

睿藻披千言揮韻賦五字麗穹碑重道能如此斯文儼
在茲史官詳紀載簡冊待昭垂愧少班張筆難將
雅頌為右文成

聖治何幸遇昌期

功蓋因孔以及周如遯源而竟委自昔未有曠代
罕行乃因殿宇之漸歛復動

宸衷之眷顧

命官庀治

發帑鳩工歲逾一周功方告竣循牆拾級磷磷鴈齒
之階丹雘墜茨燦燦魚鱗之瓦典型非遠廟貌聿
新式昭景仰之規再

製重修之碣幸依禁近臣得預觀乃選石於藍田遂鐫
文於闕里摹勒告竣揚本進
呈拜手載觀珍踰綠字爰入

內府之帖同編

秘笈之藏筆陣雲橫難擬釵痕於鋒穎墨池波濺細
求戈法於毫端久垂畫一之模永示正心之法昔
漢家誼辟妙有歌詩唐代英君神推飛白未有
文因重道

義起崇儒宣義蘊於性天寄楷模於翰墨璣衡在手
變化入神臣奉職省垣兼較金石欣逢

盛典敢後揄揚坐井觀天以蠡測海豈陳梗槩曷罄
形容

聖學淵源契大成尚勤仰止溯先正花迎

鑿輅臨東甸風遞絃歌入魯城三殿禮陳蠲俎豆五
雲章煥散瑤瓊

天書親捧登金石蚤負何當被寵榮

其二

殿宇穹窿倚日開

宸遊瞻仰幾徘徊冬官新遣鳩工去

帝子親啣

鳳詔來再煥

絲綸驚異數兩經較閱媿非才豐碑交映垂謨誥萬世
鈞陶入化裁

聖駕幸曲阜釋奠

先師恭頌

戶科

給事

中臣 趙吉士

沙界平成天地功布衣參贊帝王同賢賢函丈神
猶宅

聖聖傳心

輦向東典舉千秋儀鄭重林開五色氣葱蘢几筵應
見臨章甫禮數從容沐化風

其二

冬仲東

巡綵仗雄欣傳

駕幸聖人宮泰山不改巖巖象

王者猶瞻皞皞風設几

山龍增肅穆升堂絲竹侑豐融牲牢自古多殷薦羽

蓋尤標禮數崇

幸魯盛典卷三十三終

幸魯盛典卷三十四

聖駕幸闕里祀

先師禮成恭紀

戶科給事 中臣汪晉徵

盛世隆文教

宸衷叶聖心淵源洙泗遠矩矱帝王欽柴望先東嶽觀

遊到孔林

龍旂輝絳日

鸞輅越青岑燕許誇驂乘鄒枚慶盍簪盛儀超往古

曠典耀當今

睿藻星辰爛

天章日月臨雲霄
頌渙汗典秩歎林
壬庭植千年檜堂
懸六代音冠裳
真肅穆廟貌儼
蕭森禮器紅螭古
豐碑碧蘚侵
羹牆如晤對
心性任探尋
手澤瞻函
丈遺徽在瑟琴
乾坤同廣大
海嶽竝崇深
陶后尊
師意軒轅問道
忱詩書時灌溉
丘索益浸淫
爵賞
恩逾渥
牲牲祀必歆
匪材同朽櫟
末學等蹄涔
職滯周
南地心依鳧
繹陰抒懷遙
獻頌仰止思
難禁

聖駕幸闕里恭賦

禮科給事中臣錢晉錫

聖治唐虞接

宸衷洙泗傳
斯文垂斗極
吾道絕蹄筌
書軌攸同日
干
戈載戢年
盛儀將

幸魯

法駕遠從燕
萬騎聞雷動
千官看壁聯

鸞旗晨捲霧

鳳葆夕浮煙
宅枕尼山舊
星當奎宿躔
杏壇流澤遠
槐蔭植根先
懸甕留蝌蚪
遺書奏管絃
泰山親仰

止滄海近回旋展謁宮牆峻趨踰俎豆虔

尊師心邁古

重道禮光前肅拜停

鑿輅精禋對几筵薦馨修黍稷宿設戒宮懸日月

宸章麗雲霞

御墨鮮

湛恩優後裔秩祀徧羣賢鑑

賜朱提燦碑穹綠字鐫

帝圖真蕩蕩王路信平平曠典資排纂鴻篇媿穴穿欣
逢文教洽拜手頌堯天

聖駕幸闕里頌

并序

禮科

給事

中臣黃六鴻

皇上御極二十有三年曆啓上元歲逢甲子風薰舜瑟
軒開復旦星雲壤擊堯衢戶仰光天日月集琛球
於域外萬國咸柔敷禮樂於寰中九州漸被巍巍
蕩蕩

至德難名禘禘皇皇

弘猷具備乃猶踵勳華之絕業時厖羹牆綜一貫之
心傳彌深寤寐

謂後先符節統備素王遐邇詩書咸宗闕里省方問

俗往制宜遵重道崇儒

聖心尤切爰舉

時巡之典特隆肆覲之儀維時化日南行

玉輦轉陽和之候文峯北拱金輪卑丘垤之觀指泰
岱以鳴鑾向昌平而

駐蹕式瞻古殿煌煌數仞之牆緬想遺徽寂寂千秋
之鐸犧尊致潔鳳管齊鳴三獻既終百禮斯洽進
諸生而講藝

天語琳瑯集四氏以橫經

王言綸綉烟霏鐵檜金鼓玉戛之章日麗螭碑鳳翥鸞

翔之筆

睿製昭於星日

恩賚榮於綺裘庭楹騰旂蓋之輝支庶拜簪纓之寵原
田晦晦蠲彼常租髦士峩峩加之異數錄裔孫於
姬相增博士於尼山鄒魯千村悉附杏壇遺澤江
淮萬井咸叨

楓陛深仁典莫隆焉

恩斯溥矣夫運開豐沛肇祀太牢詔賜褒成廣封邑戶
釋奠傳於建武太師贈自乾封開元晉文宣之稱
祥符定陪祀之位莫不垂諸簡冊著爲典型然而

三卷五
卷三十四
規制半屬相沿恩施鮮能旁及惟是天開有道

聖契同心

萬乘親臨禮隆百代一門瞻戴澤被四方誠僅親於昌

辰實罕聞乎往牒臣學慚蠡管職忝班聯恭遇

鴻規曷勝燕喜謹拜手稽首而獻頌曰

維

皇御宇至治光昌龔軒雅奏紉纓天章教通槃木化洽

扶桑三千玉帛百萬梯航啓幄右文披圖稽古精

一傳心勲華接武哀對敷天謳思率土泗水絃歌

尼山鐘鼓瞻懷鳳德景企麟蹤旁參往制駕言徂

東歲在甲子時維仲冬

龍旗耀日豹尾臨風鳧繹差我龜蒙萃律闕里鳴鑾

行宮駐蹕毓粹翬飛奎文鳥革肅庀牲牷虔修籩食

篆烟縹緲蕭鬯氤氳尊碧醕雲幣丹雘禮隆裸

獻樂奏咸雲壁琴應響壇杏舒芬俯仰松楸摩娑

楷檜

御墨鴻軒

宸章鳳翽

講幄弘開諸儒畢會芸笈敷陳芝函錫賚

君恩孔渥

三卷五

卷三十四

五

聖澤旁流檐輝篆額篋貯綺裘續溫四氏蓋
賜九旂爵崇東野膏溢西疇坊斧擴封田租

詔免木鳳春回金雞日轉潤浹江淮懽騰青兗禘矣隆
規皇哉曠典載稽前史詎乏崇儒樞門列戟袞冕
凝珠潤飾弘業表章遺書雖尊麟級未枉鑿輿何

幸昌期

聖人首出九野霑仁八紘徧德性道常輝文章共式圖
籙萬年與天無極

大駕幸魯恭頌

掌河南道事江南道監察御史臣嚴會集

寶籙端皇極

璿圖握紫樞同書奄九有至化洽三無鄒魯言爲法
君師德不孤昌期崇大道曠代祀先儒北拱羅星
斗

東巡協典謨

龍旂觀勝蹟鳧繹號名區闕里絃歌奏齋宮禮數殊
園橋增博士講席召生徒木鐸升堂振金絲降

輦趨

恩留芝蓋在

詔與杏壇俱古檜猶存幹文禽自引雛從來躋聖域况
乃接天衢特重兼金

賜全寬一歲租成珠落咳唾勒石紀都俞師表懸
文廟仁風徧舞雩侍臣多獻頌末技愧操觚

聖駕東巡幸闕里釋奠

先師恭賦

河南道監察御史臣趙廷珪

聖德超千古

皇風遍九州星廻移闕里花合駐

宸旒雙鳳扶

雕輦羣工從

彩旂水通洙泗近雲接岱宗浮肅穆瞻遺像羹牆動

冥搜禮嚴崇俎豆澤遠敬松楸道統三皇接心傳

六字留儼然周禮樂邈矣魯春秋山木懷前哲風

雲入

睿謀碑穹持地軸墨潤灑天球
鳧繹成奇觀崆峒豈易
儔小臣逢盛典簪筆紀

巡遊

聖駕東巡幸闕里釋奠

先師恭賦

江西道監察御史臣錢三錫

化洽瑤戈偃時熙玉瑞陳軒皇看受籙闕里表傳
薪矢德弘文運真心契道真淵源洙泗接典禮漢
唐因祠廟牲牢盛宮牆展謁親珠旂初北發

鑾輅遂東巡壤接青疇古山開翠嶂新奎躔光燦爛
尼阜勢嶙峋甕著丹書異音留素壁神徘徊趨鯉
處彷彿繞龍辰雷動停千騎雲開列九賓宮懸聆
法樂俎豆見精禋象緯

宸章麗琳瑯

御墨珍萬年輝劍珮五字耀貞珉體挾蛟龍舞聲調金
石均隆儀陪祀肅

寵賚湛恩頻大義重昭揭微言詎鬱堙編摩垂簡冊
舞溢簪紳

君極天同峻王風日返淳小臣來絕徼拜手屬車塵

大駕幸魯恭紀三十韻

陝西道監察御史臣劉維禎

景運上元年文明化八埏

省方遵魯甸望秩考虞編

鳳蓋霜林賁虹旗畫谷鮮八神森列帳七萃肅中權

日麗奎婁野星陳濟汶邊岱雲朝送翠壇燎晝揚

烟奏樂升歆畢崇儒風

駕前端門真屹若孔里獨巍然遺廟層霄矗中階列

宿懸緇帷仍象佩丹壁自琴絃宗伯虔疊洗從官

飭几筵

九重親獻爵兩廡特加籩

龍衮星辰耀鳩行劔佩聯戟門麾燾擁宮架鼓鐘縣華

胄皆承

詔雲孫悉聽宣勝衣頒繡段

賜講立彤旃進秩

洪恩溥陪班渥澤沿援毫深

睿想灑墨煥奎躔文挾長河注書垂霽露妍璠璣鼇背

現琬琰鳳形鑄萬古穹碑聳千秋

麗製傳

謁林逾肅穆

駐蹕屢廻旋彩霧籠

仙仗天香繞玉鞭靈著符大衍文楷憶前賢洙水遙

源合防山夕照連摩挲餘檜樹眺覽及林泉竝展

銀鈎字俱成瑞錦篇

六飛回輦道百里賜祠田永覩儒風振從教治化全小

臣長拜手快覩日中天

聖駕幸魯恭紀

戶部江西清吏司郎中臣張琦

卿雲欣覩九天開寶鼎香隨

玉輦來振鷺羣飛周佾舞翔螭雙繞漢尊疊甘泉試

汲淵源遠鐵檜重邀雨露培

雕輦更移防阜畔文孫親爲掃莓苔

其二

詩禮堂前

警蹕傳鯉庭瓜瓞正綿綿牙籤捧出雲霄上組席移
來日月邊靈雀飛飛迎

輦路豐貂鬱鬱惹爐烟馨香此際邀

親薦迥異瞻風過魯年

聖駕幸魯恭紀

戶部貴州清吏司郎中臣陳斌如

夙駕

熙朝出

鳴鑾闕里來星辰舒雁翼日馭控龍媒

紫蓋留金節黃流捧玉壘一牢隆漢祀六籍燦秦灰

肅穆疑

天表流連厯

睿裁杏陰留几席檜紐護風雷座想三千列時逢五百

回至文昭日月重為

輦受嵩呼

帝則初何異

天章迴自殊夜珠香篆吐曉露墨池濡

別殿迎仙幄

行宮指海嶠

省方先問俗訪道獨崇儒洙水分源委鯉庭識步趨

景行千載合瞻仰一心孚異蹟思麟紱祥徵憶鳳

圖棗盛光俎豆軒蓋壯車徒

宸翰標題切豐碑劖劖摹由來崇爵秩新得見規模盛

事傳

昭代羣情洽彼都

恩榮遐邇遍紀載古今無寶篋縹緗貯瑤函錦繡鋪小

臣膺珥筆拜手誌黃虞

聖駕幸闕里釋奠

先師恭紀

刑部廣東清吏司郎中臣胥琬

闕里風雲會文明海域同霓旌萬樹外

鳳輦百花中禮樂兼前代車書列上公

天恩深泗水颺拜盡呼嵩

其二

日暖迎

鑾地雲高

駐蹕亭水連滄海碧山接岱宗青聖道通三極

天文煥六經臣鄰喜起頌簪筆直櫺星

聖駕幸闕里釋奠

先師恭紀

刑部貴州清吏司郎中臣姚士暨

玉燭調元化華平集百祥

武功逾鎬洛

文德紹虞唐風教通重譯車書暨八荒漸摩民俗古

景仰

聖情長諏吉當嚴節

乘輿發未央江淮浮綵鷁鄒魯肅條狼疾苦諮田父

恩膏被井疆觀風

臨泰嶽重道

詣宮牆淵湛洙河水崇閎闕里堂爐烟霏

輦路鹵簿晃朝陽嚴翼貔貅旅雍容鷓鷯行鸞聲傳

噦噦鳳吹叶鏘鏘鼓伐靈鼉動旗翻翠鳳揚

一人虔盥薦羣辟盛趨踰禮物陳三代精忱邁百玉管

簫歌備舉都荔散羣芳交暢牲煙達嘉虞福醴將

孔林瞻瑞靄

講席吐琳瑯父老園橋聽旌麾向夕張

回鑾松幄畔

駐蹕杏壇傍憶慕思彌切低徊眷不忘葦蕤留

寶蓋霏結灑

宸章捧去蛟龍護懸來日月光

尊師情繾綣延世澤汪洋胄子承

天顧諸生被繡裳

主恩真莫竝

聖德有餘慶錫帛卑安帝陳牲陋武皇寒辰風習習枯

谷露瀼瀼彤管宣揚盛尼山草木香小臣甘菲質

秋署備官常讀律遵先訓揮毫愧俊良歡呼逢曠

典拜手効賡颺

幸魯盛典卷三十四終



